



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

De quinque primis Exercitiis.

[urn:nbn:de:hbz:466:1-60232](#)

I. HEBDOMADÆ

28

COLLOQUIUM. Petamus à Deo donum *Consilii*,
ut per Electiones nostras rectā ad finem creatio-
nis nostræ tendamus : RECOLLECTIO.

Haec tenus de FUNDAMENTO, cui innitun-
tur omnia Exercitia. Nunc incipiunt meditatio-
nes hebdomadæ primæ propriè dictæ.

MEDITATIONES PRIMÆ
HEBDOMADÆ.

Quinque prima Exercitia hujus hebdoma-
dæ, hic non repetimus; sunt enim satis ex-
plicata in ipso libro *Exercitiorum*; præ-
sertim si legantur iunctæ *Explanationes*. Itaque
transibimus ad Meditationem sextam: Repeti-
tiones tamen (quamvis nullatenus sint omitten-
dæ) deinceps in numero Meditationum non repo-
nemus: satis patet, quomodo illæ ad normam S.
P. Nostri fieri debeant.

Quoniam verò in *Explanatione* posita post
Tres modos orandi, tria genera meditationum
Prima Hebdomada notavimus à S. P. Nostro esse
data: primum, cum tres animæ potentiaæ exer-
centur ad singula puncta, ut fit in *Exercitio I*. Al-
terum, cum quædam puncta potissimum soli me-
moriæ; quædam intellectui; quædam voluntati
attribuuntur, ut fit in *Exercitio II*. Tertium, con-
sistens in quadam sensuum applicatione, ut fit in
Exercitio V. Nos deinceps per hujusmodi ter-
narios ordines progrediemur. Facile autem erit uni-
cuique post duas cujusque ternarii meditationes,
inter.

interponere unam, vel duas repetitiones; & sic totidem quaternarios, vel quinarios ordines habebit, qui in secessu Exercitiorum annuo, uno die absolvantur; extra illum secessum in decursu anni, potest quivis ordo in plures dies distribui.

Ordines ipsos non numerabimus, sed unicuique meditationi apponemus notam cuius sit Generis hoc modo: G. 1. vel G. 2. vel G. 3.

MEDITATIO VI. G. I.

De pœnis peccati in lege naturæ.

CONGRUA. Quomodo lex naturalis, quamvis Galia non esset, peccatores reos faciat.

PRÆL. I. Videre animam nostram sub lege naturali, tamquam sub severo inspectore & vindice positam.

PRÆL. II. Petere gratiam, peccata ipsa cognoscendi, quanta sit fœditas, & nequitia singulorum ex natura suâ, si vel prohibita non essent.

PUNCTUM I. MEMORIA. Interfecto Abele, dixit Dominus ad Cain. Gen. 4. *Quid fecisti? vox sanguinis fratris tui clamat ad me de terra.*

INTEL. Nondum erat scripta lex; non occides: Exo. 20. sed erat lex nobis innata. Causa homicidi fuit, quod Cain malè uteretur rebus creatis in Sacrificio, & parcè offerret de fructibus terra munera Domino. Abel verò, utens rectè rebus creatis, debito modo, *Obtulit de primogenitis gregie sui.* Hinc invidia, quod Sacrificium Abelis Deo

B;

place-